

Na osnovu člana 71. Zakona o visokom obrazovanju-Prečišćen tekst- („Sl. glasnik USK-a“ broj:24/17), Odluke Nastavno-naučnog vijeća Tehničkog fakulteta Univerziteta u Bihaću, broj:01-563 od 21.05.2018.godine i Odluke Vlade Unsko-sanskog kantona, broj:03-017-2437/2018 od 14.06.2018.godine, Tehnički fakultet objavljuje

**KONKURS/NATJEČAJ**  
**za upis studenata u I godinu Trećeg ciklusa studija**  
**„SAVREMENE PROIZVODNE TEHNOLOGIJE“, na Tehničkom fakultetu Univerziteta u**  
**Bihaću, u akademskoj 2018/2019.godini**

**AKADEMSKO ZVANJE PO ZAVRŠETKU DOKTORSKOG STUDIJA**

Završetkom doktorskog studija iz studijskog programa „Savremene proizvodne tehnologije“, kandidati imaju pravo na stjecanje akademske titule i naučnog zvanja Doktor tehničkih nauka iz oblasti proizvodno-konstrukciono mašinstvo (480 ECTS bodova) i Doktor tehničkih nauka iz oblasti tehnologija obrade drveta (480 ECTS bodova).

**TRAJANJE DOKTORSKOG STUDIJA:**

Doktorski studij SAVREMEN PROIZVODNE TEHNOLOGIJE, traje tri (3) akademske godine, odnosno šest (6) semetara i vrednuje se sa 180 ECTS studijskih bodova. Predavanja, konsultacije i istraživanja traju četiri (4) semestra a objava rezultata istraživanja i izrada doktorskog rada dva (2) semestra. U prvom semestru sluša se obavezni seminarski modul i tri obavezna predmeta, u drugom semestru sluša se pet(5) izbornih predmeta, u trećem i četvrom semestru se pod mentorstvom izvode naučna istraživanja, u petom semestru se dovršavaju naučna istraživanja i radi doktorski rad, te u šestom semestru se dovršava i po završetku semestra javno brani doktorski rad.

**BROJ DOKTORANATA ZA UPIS: 10**

**USLOVI ZA UPIS NA DOKTORSKI STUDIJ:**

Kandidati koji žele da se upišu na ovaj doktorski studij treba da ispunjavaju jedan od slijedećih uslova:

- a) da imaju završen II ciklus studija iz naučnog polja mašinstva, odnosno užih naučnih oblasti: proizvodno mašinstvo, konstrukciono mašinstvo, tehnologije drveta, dizajn proizvoda od drveta, kao i kandidati koji su završili II ciklus studija iz užih naučnih oblasti Tehnologije drveta i Dizajn proizvoda od drveta, na šumarskom fakultetu.
- b) da su stekli diplomu magistra nauka iz pomenutih naučnih oblasti iz tačke a), po predbolonjskom procesu,
- c) da su stekli diplomu diplomiranji inženjer iz pomenutih užih naučnih oblasti (tačka a), na nekom od tehničkih, ili šumarskih fakulteta , po predbolonjskom procesu obrazovanja.

Kanidatima za upis koji su stekli titulu magistra nauka prije uvođenja Bolonjskog procesa obrazovanja priznaje se do 60 ECTS studijskih bodova (dva semestra), a u skladu sa Zakonom o visokom obrazovanju.

Direktno pravo upisa na doktorski studij imaju kandidati (pod tačkom a, b i c) koji su diplomirali sa prosječnom ocjenom 8,50. Kandidati koji imaju manji prosjek ocjena sa pomenutog školovanja, trebaju priložiti dvije preporuke od uglednih naučnih radnika iz užih naučnih oblasti na koje se vrši

upis na doktorski studij. Ostali uvjeti upisa regulisani su Pravilima studiranja na III ciklusu studija Univerziteta u Bihaću.

**POTREBNA DOKUMENTACIJA:** podatke o potrebnoj dokumentaciji za prijavu na konkurs i iznos školarine zainteresirani kandidati će dobiti u studentskoj službi Tehničkog fakulteta Univerziteta u Bihaću.

**ROK ZA PRIJAVU NA KONKURS:**

Rok za prijavu na konkurs je trideset (30) dana od dana objavljivanja konkursa u dnevnom listu Dnevni avaz Sarajevo.

Konkurs će biti objavljen i na web stranici Univerziteta u Bihaću ([www.unbi.ba](http://www.unbi.ba)) i web stranici Tehničkog fakultet u Bihaću ([www.tfb.ba](http://www.tfb.ba)).

Prijave na konkurs za treći ciklus studija sa potrebnim priložima dostaviti na adresu:

**JU UNIVERZITET U BIHAĆU**  
**TEHNIČKI FAKULTET BIHAĆ**  
**Ulica dr. Irfana Ljubijankića bb Bihać**  
**77 000 Bihać**

**Sa naznakom: „ne otvarati-prijav na dokstrski studij“**

Napomena: Dokumentacija dostavljena u ovjerenoj kopiji neće se vraćati kandidatima.